

Aquæ destillatæ libras viginti quattuor p. 96.

In vase ferreo coquuntur, agitando cum spathula ferrea, quamdiu Gas Hydrogenii evolvetur; tum liquor una cum sale albicante, relicto ferro forte intacto, defunditur et in balneo vaporis eo usque vaporando comminuitur, ut exinde formari possint globuli uncix unius.

HÆMATITES PRÆPARATUS.

Præparatur *Hæmatites*, ut *Bolus præparata*.

HYDRARGYRUM CUM CRETA.

Rec. *Hydrargyri destillati* drachmas sex, . p. 3.

Cretæ præparatæ drachmas decem . . p. 5.

Assidue conteruntur, donec *Hydrargyri* globuli oculo armato non amplius conspiciantur.

HYDRARGYRUM DESTILLATUM.

Rec. *Hydrargyri* libras duas.

Immittuntur retortæ vitreæ firmæ, longo collo instructæ atque satis capaci, ita ut dimidia ejus pars vacua supersit; collum retortæ inseritur excipulo, tantâ aquæ copiâ replendo, ut superficiem aquæ fere adtingat. Retortâ deinde balneo arenæ impositâ atque strato arenæ tectâ, ignis caute intenditur, ut lente ferveat *Hydrargyrum*; et sic pergendum, dum uncix viginti *hydrargyri* transierint, quæ, ab aqua separatæ et siccata, per cucullum chartaceum perfunduntur et in vitro obturato servantur.

Quod si deest retorta, longo collo instructa, collum retortæ communis tubo chartaceo longius reddendum est.

HYDRAS FERRICUS IN AQUA.

Rec. *Chloreti ferrici* libram dimidiam . . . p. 1.

Solvitur in

Aquæ destillatæ libris decem p. 20.

Huic solutioni, si opus est, colatæ, solutio frigida e

Bicarbonatis kalici sufficiente quantitate et *Aquæ destillatæ* decuplo pondere confecta, diligenter agitando cum baculo vitreo, sensim admiscetur, quamdiu prodit præcipitatum; quod quum post quietem fundum petiit, solutio supernatans effunditur, et fit, Aquam destillatam diligenter affundendo, perfecta ablutio. Denique aquâ, quantum fieri potest decanthando remotâ, puls liquida in vasis vitreis obturatis servatur.

Observandum, quattuor saltem hujus pultis libras in officina semper paratas prostare debere.

HYDRAS KALICUS.

Causticum salinum.

Solutio Hydratis kalici, in olla ferrea, bene mundata et linteo mundo cooperta, vaporando supra ignem consumitur, usque dum guttulâ refrigerando perfecte solidescat. Quo facto in crucibulum ferreum vel potius argenteum effunditur, in quo, aucti caloris ope liquefit, donec massa intumescere cessaverit et, crucibulo ad rubedinem calefacto, olei instar leniter fluat. Tum in fistulas ferreas idoneas effunditur hydras, et refrigeratus in vitro optime clauso servatur.

HYPOCHLORIS CALCICUS.

Oxymurias calcicum. Calx oxymuriatica.

Rec. *Calcis ustæ*, aquâ affusâ in hydratem conversæ et per cribrum trajectæ, quantum placet.

Hydrochloroxyg. kalk.

Eu. Gt.

Immittitur, quantum fieri potest diffuse, in vas idoneum, in quod *Gas Chlori* (ut ad Aquam Chlori præceptum est extricandum et lavandum) lente inducitur, quamdiu Chlorum ab Hydrate calcico absorbetur, qui ne calorem graduum $+ 30^{\circ}$ C. superet, cavendum. Peraclâ saturatione, nova hydratis copia gasi exponenda est; quod vero jam saturatum est in vasis non magnis, bene obturatis, loco umbroso frigidoque asservandum.

INFUSA.

Fiunt infusa, nisi alia præparandi ratio præscribitur, Aquam destillatam fervidam affundendo substantiis præscriptis et rei convenienter comminutis, in vase idoneo e stanno puro, vitro vel massa porcellanea confecto, collocatis; fit deinde per præscriptum temporis spatium maceratio, vas operculo clausum interdum agitando. Quo autem evitetur nimia aquæ fervidæ inter affundendum refrigeratio, præsertim ubi copia ejus minor sit, rite agitur, si vas, Aquam ferventem affundendo et circumagitando et denique effundendo, ante præparationem Infusi calefiat. Infusum per linteum mundum leniter exprimendo colatur.

Ex tempore parantur.

INFUSUM AURANTII AROMATICUM.

Rec. *Caryophyllorum* contusorum,

Citri corticum concisorum, singulorum drachmam dimidiam, p. 1.

Aurantii corticum concisorum drachmas duas, p. 4.

Aquæ destillatæ ferventis uncias octo p. 128.
Macerantur per horæ quadrantem.

INFUSUM